


唐才子傳中

土岐文庫
文庫17
W211
2



如 17
W2.11
2

長息藏寶

劉言史

唐才子傳卷第四目錄

盧綸

吉中孚

韓翃

耿漳

錢起

子微

司空曙

苗發

崔峒

夏侯審

李端

張芬

柳中庸

竇叔向

康洽

李益

冷朝陽

章八元

暢當

鄭常

王季友

張謂

于鵠

王建

韋應物

立丹

皎然

武元衡

竇常

竇牟

竇群

竇庠

竇鞏

劉言史

劉商

不許出界外

昭和六十年二月一日贈
土岐善喜庵氏寄

010185192666

夏侯審季端聯藻文林銀黃相望且同臭味契分俱
深時號大曆十才子唐之文體至此一變矣綸所作
特勝不減盛時如三河少年風流自賞文宗雅愛其
詩問宰相綸沒後文章幾何亦有子否李德裕對綸
四子皆擢進士仕在臺閣帝遣中使悉索其巾笥得
詩五百首進之有別業在終南山中集十卷今傳

吉中孚

中孚楚州人居番陽最久初爲道士山阿寂寥後還
俗李端贈詩云舊山連藥賣孤鶴帶雲歸盧綸送詩
云舊窠藏雲穴新詩滿帝鄉來長安謁宰相有薦於

天子日與王侯高會名動京師無幾何第進士授萬
年尉除校書郎又登宏辭科爲翰林學士歷諫議大
夫戶部侍郎判度支事貞元初卒初拜官後以親垂
白在堂歸養至孝終喪後仕中孚神骨清虛吟詠高
雅若神仙中人也集一卷今傳

韓翃

翃字君平南陽人天寶十三載楊紘榜進士侯希逸
素重其才至是表佐淄青幕府罷閑居十年及李勉
在宣武復辟之德宗時制誥關人中書兩進除自御
筆不点再請之批曰與韓翃時有同姓名者爲江淮

刺史宰相請孰與上復批曰春城無處不飛華韓翃也俄以駕部郎中知制誥終中書舍人翹工詩興致繁富如芙蓉出水一篇一詠朝士琢之此諷深於文房筋節成於茂政當時盛稱焉有詩集五卷行於世

耿漳

漳河東人也寶應二年洪源榜進士與古之奇為莫逆之交初為夫理司法充括圖書使來江淮窮山水之勝仕終左拾遺詩才俊爽意思不群似漳等輩不可多得詩集二卷今傳

錢起

起字仲大吳興人天寶十年李臣卿榜及第少聰敏承卿曲之譽初從計吏至京口客舍月夜閑步聞戶外有行吟聲哦曰曲終人不見江上數峯青九再三往來起遽從之無所見矣嘗怪之及就試粉闈詩題乃湘靈鼓瑟起輟就即以鬼謠十字為落句主文李暉深嘉義擊節吟味久之曰是必有神助之耳遂擢置高第釋褐授校書郎掌採箭竹奉使入蜀除考功郎中大曆中為大法官使翰林學士起詩體制新奇理致清瞻芟宋齊之浮游削梁陳之嫚靡迥然獨立也王右丞許以高格與即士元齊名士林語曰前有

沉宋後有錢卽集十卷今傳子徽能詩外甥懷素善書一門之中藝名森出可尚矣。凡唐人燕集祖送必探題分韻賦詩於衆中推一人擅場者劉相巡察江淮詩人滿座而起擅場郭曖尚主盛會李端擅場緬懷盛時往往文會群賢畢集觥籌亂飛遇江山之佳麗繼歡好於疇昔良辰養景賞心樂事於此能并矣况賓無絕纓之嫌主無投轄之困歌闌舞作微聞香澤冗長之禮豁畧去之王公不覺其大韋布不覺其小志形尔汝促席談諧吟咏繼來揮毫驚座樂哉古人有秉燭夜遊所謂非淺同寔一室無及於亂豈

不盛也至若殘盃冷炙一獻百拜察喜怒於眉睫之間者可以休矣

司空曙

曙字文明廣平人也磊落有奇才韋臯節度劍南辟致幕府授洛陽主簿未幾遷長林縣兼累官左拾遺終水部郎中與李約負外至交性耿介不干權要家無甌石異如也嘗病中不給遺其愛姬亦自流寓長沙遷謫江右多結契雙林暗傷流景寄曠上人詩云欲就東林寄一身尚憐兒女未成人柴門客去殘陽在藥圃蟲喧秋雨頻近水方同梅市隱曝衣多笑阮

家貧深山蘭若何時到羨與閑雲作四隣閑園即事
高興可知屬調幽閑終篇調暢如新華笑日不容薰
染鏘々美譽不亦宜哉有詩集二卷今傳

苗發

發潞州人也晉鄉長子初爲樂平令授兵部員外遷
駕部員外郎仕終都官郎中雖名盛才子少見詩篇
當時名士咸與贈答云

崔峒

峒博陵人工文有價初辟潞府功曹後歷左拾遺終
右補闕詞彩炳然意思方雅時人稱其句爲披沙揀

金往々見寶詩集一卷今行於世

夏侯審

審建中元年禮部侍郎令狐峘下試軍謀越衆科第
一釋褐校書郎又爲參軍仕終侍御史初於花山下
多買田園爲別墅水木幽閑雲烟浩渺晚歲退居其
下諷吟頗多今稍零落時見一二皆錦制也

李端

端趙州人嘉祐之姪也少時居廬山依皎然讀書意
况清虛酷慕禪侶大曆五年李搏榜進士及第授秘
書省校書郎以清羸多病辭官居終南山草堂寺殊

幾起為杭州司馬牒訴敲朴心甚厭之買田園在
丘下為耽深癖泉石少幽移家來隱衡山自號衡嶽
幽人彈琴讀易登高望遠神意泊然初無宦情懷其
頰之志嘗曰余少尚神仙且未能去友人暢當以禪
門見道余心知必是未得其門詩更高雅於才子中
名響錚々與處士京兆柳中庸大理評事江東張芬
友善唱酬初來長安詩名大振時令公子郭曖尚泉
平公主賢明有才延納俊士端等皆在館中曖嘗進
管大宴酒酣主屬端賦詩頃刻而就曰青春都尉最
風流二十功成便拜侯金距聞雞過上苑玉鞭騎馬

出長楸熏香荀令偏憐小傳粉何郎不解愁日暮吹
簫揚柳陌路人遙指鳳凰樓主甚喜下座賞歎錢起
曰此必端宿製請以起姓為韻端立獻一章曰方塘
似鏡草芊芊初月如鈎未上弦新開金埒看調馬舊
賜銅山許鑄錢揚柳入樓吹玉笛芙蓉出水妬花鈿
今朝都尉如相顧願脫長裾逐少年作者驚伏主厚
賜金帛終身以榮其工捷類此集三卷今傳於世

竇叔向

叔向字遺直扶風平陵人也卓絕之行登第於大
曆初遠振佳名為文物冠冕詩法謹嚴又非常格

流才子多仰，麈尾少與常。家同燈火，及夜相引。擢左
拾遺內供奉，及坐貶亦出為溧水令。卒贈工部尚書。
五子常牟、群、庠、輩，俱能詩。咄々有跨竈之興。當時羨
之，文志載叔向集七卷。今存詩甚寡，蓋零落之矣。

康洽

洽，酒泉人。黃鬚美丈夫也。盛時携琴劍來長安，謁當
道氣度豪爽，工樂府詩篇。宮女梨園皆寫於聲律。玄
宗亦知名，嘗歎羨之所出入，皆王侯貴主之宅。從遊
與讎，雖駿馬蒼頭如其已，有觀服玩之光，令人歸欲
燒物憐才，乃能如是也。後遭天寶亂，離飄蓬江表，至

大曆間年已七十餘，龍鍾衰老，談及開元繁盛，流涕
無從。往來兩京，故侯館穀空咸陽，一布衣耳。于時文
士願與論交，李端逢之，贈詩云：「聲名常歷飽參軍，班
位不過揚執戟。」又云：「同時獻賦人皆盡，共壁題詩君
獨在。」後卒杜陵山中，文章不得見矣。

李益

益字君虞，隴西姑臧人。大曆四年，齊映榜進士，調鄭
縣尉。同輩行稍進，達益久不陞，鬱々去遊燕趙間。幽
州節度劉濟辟為從事，未幾又佐鄆寧幕府。風流有
辭藻，與宗人賀相埒。每一篇就，樂工賂求之，被於雅

樂供奉天子如征人早行篇天下皆施繪畫二十三
受策秋從軍十年運籌決勝尤其所長往往鞍馬間
爲文橫槊賦詩故多抑揚激宕悲離之作高適岑參
之流也憲宗雅聞其名召爲秘書少監集賢殿學士
自負其才凌轢士衆有不能堪諫官因暴其詩不上
望京樓等句以涉惡望詔降職俄復舊除待御史遷
禮部尚書致仕太和初空益少有僻疾多猜忌防閑
妻妾過爲苛酷有散灰扃戶之談時稱爲妬癡尚書
李十郎有同姓名者爲太子庶子皆在朝人恐莫辨
謂君眞爲文章李益庶乎爲門戶李益云集有今傳

冷朝陽

朝陽金陵人太曆四年齊映榜進士及第不待調官
言歸省覲自狀元以下一時名士夫及詩人李嘉祐
李端韓翃錢起等大會賦詩攀餞以一布衣才名如
此人皆羨之朝陽工詩在大曆諸才子法度稍弱字
韵清越不減也有集傳世

章八元

八元睦州桐廬人少喜爲詩嘗於郵亭偶題數語蓋
激楚之音也宗匠嚴維到驛見而異之問八元曰尔
能從我授格乎曰素所願也少頃遂發八元已辭親

矣維大哭之親為指諭數歲間詩賦精絕大曆六年
王淑榜第二人進士居京既久床頭金盡歸江南訪
韋蘇州待贈甚厚後來都應制科貞元中調句容主
簿况薄辭歸時有清江上人善詩與八元為兄弟之
好初長安慈恩寺浮圖前後名流詩版甚多八元亦
題有云却怪鳥飛平地上自驚人語半夫中後元微
之白樂天至塔下遍覽因悉除去惟存八元版在吟
詠久之曰名下無虛士也其驚策稱是有詩集傳于
世一卷

暢當

當河東人大曆七年張式榜及第當少諳武事生亂
離間盤馬彎弓博沙寫陳人曾伏之時山東有寇以
子弟被召參軍貞元初為太常博士仕終果州刺史
與李司馬司空即中有膠漆之契多往來嵩華間結
念方外頗參禪道故多於桂之興深存不死之志詞
名籍甚表々凌雲有詩二卷傳於世同時有鄭常亦
鳴詩集一卷今行○嘗觀建安初陳琳阮瑀數子從
戎管書記之任所得經奇英氣逼人承平則文墨
議論整肅急則憂難矢石金羈角逐珠符相照草檄於
盾鼻勒銘於山頭此磊々落落通方之士皆古書生

也容有鬱志窓下抱膝呻吟而曰時不我與人不是我
知邪大道無空徒自爲老夫耳唐間如此特達甚多
光烈垂遠慨然不能不以之興懷也

王季友

季友河南人暗誦書萬卷論必引經家貧賣屣好事
者多携酒就之其妻柳氏疾季友窮醜遣去來客郵
城洪州刺史李公一見頓敬即引佐幕府工詩性石
浪不羈愛奇務險遠出常性之外白首短褐崎嶇士
林傷哉貧也嘗有詩云山中誰余密自髮日相親雀
鼠晝夜無知我厨廩貧又自耕自刈食爲天如鹿如

麋飲野泉亦知世上公卿貴且養年中草木年觀其
萬志山水可謂遠性風疎逸情雲上矣有集傳於世

張謂

謂字正言河內人也少讀書嵩山清才拔萃汎覽流
觀不屈於權勢自矜奇骨必談笑封侯二十四受辟
從戎營朔十載亭障間稍立功勳以將軍得罪流滯
荆門有以非辜雪之者累官爲禮部侍郎無幾何出
爲潭州刺史性嗜酒簡淡樂意湖山工詩格度嚴密
語致精深多擊節之音今有集傳于世

于鵠

鶴初買山於漢陽高隱三十猶未成名大曆中嘗應
薦歷諸府從事出塞入塞馳逐風沙有詩甚工長短
間作時出度外縱橫放逸而不陷於踈遠且多警策
云集一卷今傳

王建

建字仲初潁川人大曆十年丁澤榜第二人及第釋
褐授渭南尉調昭應縣丞諸司歷薦遷太府寺丞秘
書丞侍御史太和中出為陝州司馬從軍塞上弓劍
不離身數年後歸卜居咸陽原上初遊韓吏部門牆
為忘年之交與張籍契厚唱答尤多工為樂府歌行

格幽思遠二公之體同變時流建性耽酒放浪無拘
官詞特妙前古建初與樞密使王守澄有宗人之分
守澄以弟呼之談間故多知禁掖事作官詞百篇後
因過燕飲以相譏詭守澄深銜之忽曰吾弟所作官
詞內庭深遠何由知之明當奏上建作詩以謝末句
云不是姓同親說向九重爭得外人知守澄恐累已
事遂寢建才瞻有作皆工蓋嘗跋涉畏途其分窮苦
其自傷詩云衰門海內幾多人滿眼公卿總不親四
授官資元七品再經婚娶尚單身圖書亦為頻移盡
兄弟還因數散貧獨自在家常似客黃昏哭向野田

春又於征戍遷謫行旅離別幽居官况之作俱能感
動神思道人所不能道也集十卷今傳於世

韋應物

應物京兆人也尚俠初以三衛郎事玄宗及肅始悔
折節讀書為性高潔鮮食寡欲所居必焚香掃地而
坐冥心象外天寶時扈從遊幸求泰中任洛陽丞遷
京兆府功曹大曆十四年自鄆縣令削除襍陽令以
疾辭歸寓善福寺精舍建中二年由前資除比部員
外郎出為滁州刺史居頃之改江州刺史追赴闕改
左司郎中或媚其進媒孽之貞元初又出為蘇州刺

史太和中以太僕少卿兼御史中丞為諸道鹽鐵轉
運江淮留後罷居求定齋心屏除人事初公豪縱不
羈晚歲逢揚開府贈詩事曰少事武皇帝無賴恃
恩私身依里中橫家藏七命兒朝持檉蒲局暮竊東
隣姬司隸不敢捕立在白玉墀驪山風雪夜長楊羽
獵時一字都不識飲酒肆頑癡武皇外仙去憔悴被
人欺讀書事已晚把筆學題詩兩府始收跡南宮謬
見推非才果不容出守撫旃絮忽逢揚開府論舊滌
俱垂坐客何由識唯有故人知足見古人真率之妙
也○論云詩律自沈宋之下日益靡嫚餽章刻句揣

合浮切音韵婉諧屬對藻密而閑雅平淡之氣不存
矣獨應物馳驟建安以還各有風韻自成一家之體
清深雅麗雖詩人之盛亦罕其倫甚為時論所右而
風情不能自已如贈米嘉榮杜韋娘等作皆杯酒之
間見少年故態無足怪矣有集十卷今傳於世

皎然上人

皎然字清晝吳興人俗姓謝宋靈運之十世孫也初
入道肄業杼山與靈徹陸羽同居妙喜寺羽於寺傍
創亭以癸丑歲癸卯朔癸亥日落成湖州刺史顏真
卿名以三癸皎然賦詩時稱三絕真卿嘗於郡齋集

文士撰韵海敬源預其論著至是聲價藉甚貞元中
集賢御書院取高僧集上人文十卷藏之刺史于頔
為之序李端在匡嶽依止稱門生一時名公俱相友
善題云晝上人是也時韋應物以古淡矯俗公嘗擬
其格得數鮮為贊韋心疑之明自又錄舊製以見始
被領畧曰人各有長蓋自天分子而為我失故步矣
但以所諧自名可也公心服之往寺住西林寺定餘
多暇因撰序作詩體式兼評古今人詩為晝公詩式
五卷及撰詩評三卷皆議論精當取舍從公整頓狂
瀾出卷騷雅公性放逸不縛於常律初房太尉瑄早

歲隱終南峻壁之下，往往聞湫中龍吟，聲清而靜，滌人邪想。時有僧潛，屢三金以寫之，惟銅酷似房公。往來他日至山寺，聞林嶺間有聲，因命僧出其器，歎曰：此真龍吟也。大曆間，有秦僧傳至桐江，皎然憂銅椀，効之以警深寂。緇人有獻譏者，公曰：此達僧之事，可以嬉禪爾。曹胡凝滯於物，而以瑣行自拘，耶時人高之。公外學超然，詩興閑適，居第一流，第二流不過也。詩集十卷。

武元衡

元衡字伯蒼，河南人。建中四年，薛展榜進士。元和三

年，以門下侍郎平章事，出為劍南節度使。後秉政，明年早朝，遇盜從暗中射殺之。元衡工詩，雖時見雕鏤，不動機構，要非高齋之所深忌。每好事者傳之，被於絲竹，掌夏夜作詩曰：夜久喧暫息，池臺唯月明。因駐清景日，出事還生翬。自遇害，詩蓋其識也。議者謂工詩而宦達者，惟高適、達宦而詩工者，惟元衡。今有臨淮集十卷傳於世。

竇常

常字中行，叔向之子也。京兆人。大曆十四年，王儲榜及第，初歷從事，累官水部員外郎。連除閩、夔、江、撫四

州刺史後入為國子祭酒而終○常兄弟五人聯芳
比藻詞價霏然法度風流相距不遠且俱陳力王事
膺寵清流豈懷玉迷津區々之比哉後人集所著詩
通一百首為五卷名寶氏聯珠集謂若五星然常集
十八卷及撰韓翃至放然二十人詩合三百五十篇
為南薰集各系以贊為三卷今並傳焉

寶罕

罕字貽周貞元二年張正甫榜進士初學問於江東
家居孝謹善事繼母音文異行聞于京師舅給事中
表高當時專重名甄拔甚多而罕未嘗于謁竟捷丈

場始佐六府五公八遷至檢校虞部元和五年拜尚
書虞部郎中轉洛陽令都官郎中出為澤州刺史仕
終國子司業罕晚從昭義盧從史從史寢矯罕度不
可諫即移舟歸居東都別業長慶二年卒昌黎韓先
生為之墓誌云

寶群

群字丹列初隱毗陵稱處士性至孝定省無少怠及
母卒哀踊不已鑿一棺置棺中結廬墓次終喪蘇州
刺史豈真鄉薦之舉孝廉德宗擢為左拾遺憲宗立
轉吏部郎中出為唐州刺史節度使于頔奇之表以

自副武元衡輔政薦為御史中丞羣引呂溫羊士諤
為御史宰相李吉甫不可辭等惡遂摺撫吉甫陰事
告之帝面覆多誑大怒欲殺群等吉甫又為力救得
辭出為黔南觀察使遷容管經畧使率官所家無餘
財惟圖書萬軸耳

竇庠

庠字胃卿嘗應辟三佐太府調奉先令遷東都留守
判官拜戶部員外郎貞元中出為婺登二州刺史平
生工文其著述亦多今並傳之

竇鞏

鞏字友封狀貌瑰偉少博覽無不通性宏放好談古
今所居多長者車轍時諸兄已達鞏尚來塲屋間頗
抑初志作放魚詩云黃金贖得免刀痕聞道禽魚亦
感恩好去長江千萬里不須辛苦上龍門人知其述
懷也元和二年王源中榜進士佐淄青幕府累遷秘書
書少監拜御史中丞在終武昌觀察副使鞏平居與
人言不出口時號為聶嚙翁云

劉言史

言史趙州人也少尚氣節不舉進士工詩羨麗恢贍
世少其倫與李賀孟郊同時為友莫鎮節度使王武

俊頗好詞藝言史造之特加敬異武俊嘗獵有雙鴨起蒲稗間一矢聯之遂於馬上草射鴨歌以獻因表薦請官詔授東強令辭疾不就當時重之故相國隴西公李夷簡為漢南節度與言史少同遊習因遣以襄陽髹器千事賂武俊請之由是為漢南幕賓日與談讌謔詩唱答大播清才問言史所欲為曰司功掾其闕或可兼閣遂署雖居官曹敬待持諸從事歲餘奏陞秩詔下之日不恙而終公初以言史相薄不欲貴以惜其壽至是慟哭之曰果然微採殺吾受容也厚葬於襄城皮日休稱其賦雕金篆玉牢音籠怪百

鍛為字千煉成句真佳作也有歌詩六卷今傳

劉商

商字子夏徐州彭城人擢進士第貞元中累官比部員外郎改虞部員外郎數年遷檢校兵部郎中後出為汴州觀察判官薛疾挂印歸舊業商性好酒苦家貧嘗對花臨月悠然獨酌尤音長謠放適自遂賦詩曰春草秋風老此身一瓢長醉任家貧醒來還愛浮萍草漂寄官河不屬人樂府歌詩高雅殊絕擬蔡琰胡笳曲鱸炙當時仍工畫山水樹石初師吳郡張璪後自造真張貶衡州司馬有惆悵之詩好神仙鍊金

骨後隱義興胡父渚結侶幽人世傳冲虛而去可謂
江海冥滅山林長往者矣有集十卷今傳武元衡序
云

唐才子傳卷第四

唐才子傳卷第四 真對亦世有增補六卷今刪
自本時還真語食本...
商宗平五合限趙州人...
隆間

唐才子傳卷第五目錄

- | | | | |
|-----|-----|------|-----|
| 盧仝 | 馬異 | 劉叉 | 李賀 |
| 李涉 | 朱晝 | 賈嶋 | 莊南傑 |
| 張碧 | 朱放 | 羊士諤 | 姚係 |
| 翹信陵 | 張登 | 令狐楚 | 楊巨源 |
| 馬逢 | 王涯 | 韓愈 | 柳子厚 |
| 陳羽 | 劉禹錫 | 孟郊 | 陸長源 |
| 戴叔倫 | 張仲素 | 呂溫 | 張籍 |
| 雍裕之 | 權德輿 | 長孫佐輔 | 楊衡 |
| | | | 姚倫 |

唐才子傳卷第五
西域 辛 文房 撰
盧仝
范陽人初隱少室山號玉川子家甚貧惟圖書堆積後卜居洛城破屋數間而已一奴長鬚不墨頭一婢赤脚老無齒終日苦哦隣僧送米朝廷知其清介之節凡兩備禮徵為諫議大夫不起時韓愈為河南令愛其操敬待之嘗為惡少所恐訴於愈方為申理仝後慮盜憎主人願罷之愈益服其度量元和間月蝕仝賦詩意切當時逆黨愈極稱工餘人絀恨之時

唐才子傳卷第五

西域 辛 文房 撰

盧仝

仝范陽人初隱少室山號玉川子家甚貧惟圖書堆積後卜居洛城破屋數間而已一奴長鬚不墨頭一婢赤脚老無齒終日苦哦隣僧送米朝廷知其清介之節凡兩備禮徵為諫議大夫不起時韓愈為河南令愛其操敬待之嘗為惡少所恐訴於愈方為申理仝後慮盜憎主人願罷之愈益服其度量元和間月蝕仝賦詩意切當時逆黨愈極稱工餘人絀恨之時

王涯秉政胥怨於人及禍起全偶與諸客會食涯書
館中因留宿吏卒掩捕全曰我廬山人也於衆無怨
何罪之有吏曰既云山人來宰相宅容非罪浮蒼危
不能自理竟同甘露之禍全老無髮奄人於腦後加
釘先是生子名漆丁人以為讖云全性高古介僻所
見不凡近唐詩體無遺而全之所作特異自成一家
語尚奇諳讀者難解識者易知後來做効比擬遂為
一格宗師有集一卷今傳○古詩云枯魚過河泣何
時悔彼及作書與魴鱖相戒慎出入斯所以防前之
覆轍也全志懷霜雪操擬松柏深造括囊之高夫何

戶庭之失噫一踏非地旋踵速歿土石俱爛可不痛哉

馬異

異睦州人也興元元年禮部侍郎鮑防下進士第二
人少與皇甫湜同視席賦性高踈詞調怪澁雖風骨
稜々不免枯瘠盧仝聞之頗合已志願與結交遂立
同異之論以詩贈答有云昨日全不同異自異是謂
大同而小異今日全自同異不異是謂同小徃而異
不至斯亦怪之甚也後不知所終集今傳世

劉叉

又河朔間人一節士也少尚義行俠傍觀切齒因被
 酒殺人亡命會赦乃出更改志從學能博覽工為詩
 詩酷好盧仝孟郊之體造語幽蹇議論多出於正冰
 柱雪車一篇含著風刺出二公之右矣時樊宗師文
 亦尚怪見而獨拜之恃故時所負自願俯仰不能與
 世合常破履穿結築環堵而居休焉聞韓吏部接天
 下貧士步而歸之出入門館無間時韓碑銘獨唱潤
 筆之貨盈正因持案上全數介而去曰此訕墓中人
 所得耳不若與劉君為壽不能止其曠達至此初玉
 川子履道守正及關著述春秋之學尤所精心時人
 不得見其書惟又愜願曾授之以稟旨後無所傳又
 剛直能面白人短長其服義則又稱縫若親屬然後
 以爭語不能下客去遊齊魯不知所終詩二十七篇
 今傳

李賀

賀字長吉鄭王之孫也七歲能辭章名動京邑韓愈
 皇甫湜覽其作奇之而未信曰若是古人吾曾或不
 知是今人豈有不識之理遂相過其家使賦詩賀總
 角荷衣而出欣然奉命旁若無人援筆題曰高軒過
 二公大驚以所乘馬命懸鐮而還親為束髮賀父名

晉肅不得舉進士公為著辭諱一篇後官至太常寺
奉禮部賀為人纖瘦通眉長指爪能疾書且日出騎
弱馬從平頭小奴子背古錦囊遇有所得書置囊裏
九詩不先命題及暮歸太夫人使婢探囊中見書多
即怒曰是兒要嘔出心乃已耳上燈與食即從婢取
書研墨疊紙足成之非大醉不率如此賀詩稍尚
奇詭組織花草片々成文所得皆驚邁絕去翰墨畦
逕時無能効者樂府諸詩雲韶衆士諧於律呂掌歎
曰我年二十不得意一生愁心謝如梧葉矣忽疾篤
恍惚晝見人緋衣駕赤蚪騰下持一板書若太古雷

文曰上帝新作白玉樓成立召君作記也賀扣頭辭
謂母老病其人曰天上比人間差樂不苦也居頃之
牕中教々烟氣聞車聲甚速遂絕死時才二十七莫
不憐之李藩綴集其歌詩因託賀表兄訪所遺失并
加點竄付以成本彌年絕迹及詰之曰毋恨其傲忽心
其文已焚之矣今存十之四五杜牧為序者五卷今
傳○老子曰其進銳者其退速信然賀天才俊拔弱
冠而有極名天奪之速豈怪也耶若少假行年涵養
盛德觀其才不在古人下矣今茲惜哉

李涉

涉洛陽以渤之仲兄也自號清溪子早歲客梁園數
 逢亂兵避地南來樂佳山水上隱匡廬香爐峯下石
 洞間嘗養一白鹿甚馴狎因名所居白鹿洞與兄渤
 崔膺昆李茅舍相接後徙居終南偶從陳許辟命從
 事行軍殊幾以罪謫夷陵宰十年踴躍峽中病瘵成
 痼自傷羈逐頭顱又復加許後遇赦得還賦詩云荷
 蓑不是人間事歸去滄江有釣舟遂放船重來訪吳
 楚舊遊登天口石橋望海得風水之便掛席浮瀟湘
 岳陽逢張祐話故因盤桓歸洛下營草堂隱少室身
 自耕耘妾能織維稚子供漁樵拓落生計伶溥酒鄉

罕交人事大和中宰相累薦徵起為太學博士李致
 仕妻亦入道涉二為詩詞意卓犖不群世俗長篇叙
 事如行雲流水無可牽制才名一時欽動初嘗過九
 江皖口遇夜客方踰伏問何人曰李山人豪首曰若
 是勿用剽奪久聞詩名願題一篇足矣涉欣然書曰
 暮雨瀟瀟江上村綠林豪客夜知聞他時不用藏名
 姓世上如今半是君大喜因以牛酒厚遺再拜送之
 ○夫以跼蹐之輩猶曰憐才而至寶積道君子不顧
 忍哉詩集一卷今傳

朱晝

畫廣陵人貞元間慕孟郊之名為詩格範相似曾不
遠千里而訪之不厭勤苦體尚奇澁與李涉友善相
酬唱畫古鏡詩云我有古時鏡初自壞陵得蛟龍猶
泥蟠魘魅幸月蝕磨久見菱葉青於藍水色贈君將
照心無使心受惑九如此警策稍多今傳于世

賈鳴

鳴字闓仙范陽人也初連敗文場囊篋空甚遂為浮
屠名無本來東都旋往京居青龍寺時禁僧午後不
得出為詩自傷元和中元白變尚輕淺鳴獨按格入
僻以矯浮豔當冥搜之際前有王公貴人皆不覺游

心萬仞慮入無窮自稱碣右山人嘗歎曰知余素心
者惟終南紫閣白閣諸峯隱者耳高丘有草廬欲歸
未得逗留長安雖行坐寢食苦吟不輟掌跨蹇驢張
蓋橫截天衢時秋風正厲黃葉可掃遂吟日落葉滿
長安方思屬聯杳不可得忽以秋風吹渭水為對喜
不自勝因唐突大京兆劉栖楚被繫一夕且釋之後
復乘閑策蹇訪李餘幽居得句云鳥宿池中樹僧推
月下門又欲作僧敲煉之未定吟我引手作推敲之
勢傍觀亦訝時韓退之尹京兆車騎方出不覺衝至
第三節左右擁到馬前鳴具實對未定推敲神遊象

外不知迴避韓駐久之曰敲字佳遂並繼歸共論詩
道結為布衣交遂授以文法去浮屠舉進士愈贈詩
云孟郊死葬北邙山日月風雲頓覺閑天恐文章渾
斷絕再生賈嶋在人間自此名者時新及第寓居法
乾無可精舍姚合王建張籍雍陶皆琴樽之好一日
宣宗微行至寺聞鐘樓上有吟聲遂登於嶋案上取
卷覽之嶋不識因作毛攘臂睨而奪取之曰即君鮮
醴自足何會此耶帝下樓去既而覺之大恐伏闕待
罪上訝之他日有旨令與一清官謫去者乃授遂
州長江主簿後稍遷普州司倉臨死之日家無一錢

惟病驢古琴而已當時誰不愛其才而惜其命
儻嶋貌清意雅談玄抱佛所交悉塵外之人况味蕭條生
計岨嶮自題曰二句三年得一吟雙淚流知音如不
賞歸卧故山秋每至除夕必取一歲所作置凡上焚
香再拜醉酒祝曰此吾終年苦心也痛飲長謠而罷
今集十卷并詩格一卷傳于世

莊南傑

南傑與賈嶋同時曾從受學工樂府雜歌詩體似長
古氣雖壯道語過鑄鑿蓋其天資本劣未免按抑不
出山自然亦一好奇尚僻之士耳集二卷今行

張碧

碧字大碧貞元間舉進士累不第便覺三山跬步雲漢咫尺初纂李翰林之高躡一杯一詠必見清風故其名字皆亦逼似如司馬長卿希蘭相如為人也天才卓絕氣韻不凡委興山水投閑吟酌言多野意俱狀難摹之景焉有歌行集二卷傳世子瀛

朱放

放字長通南陽人也初居臨漢水遭歲饑南來卜隱剡溪鏡湖間排青紫之念結廬雲卧飲水樵山嘗著白罽羅鹿裘笻屨盤桓酒家時江浙名士如林風流

儒雅俱從高義如皇甫兄弟皎徹上人皆山人良友也大曆中嗣曹王臯鎮江西辟為節度參謀有別同志曰潺湲寒溪上自此成離別想首望歸人移舟逢暮雪頻行識草樹漸老傷年髮唯有白雲心為向東山月未幾發不樂鞅掌扁舟生還貞元二年詔舉韜晦奇才詔下聘禮拜左拾遺不就表謝之亡心懷得失以此自終放工詩風度清越神情蕭散非尋常之比集二卷今行于世

羊士諤

士諤貞元元年禮部侍郎鮑防下進士順宗時累至

宣歙巡官王叔文所惡貶汀州寧化尉元和初宰相
李吉甫知獎擢為監察御史掌制誥後以與竇群呂
涓等誣論宰執出為資州刺史士諤工詩造妙梁選
作皆典重早歲嘗遊汝九山有卜築之志勳名相迫
不遂初心有詩集行于世

姚係

係河中人貞元元年進士與韋應物同時有詩名工
古調善彈琴好遊名山希蹤謝郭終身不仕官祿亦
不及之也廼林博谷隱之士往還酬酢興趣超然弟
倫詩亦清麗有集並傳

麴信陵

信陵貞元元年鄭全濟榜及第仕為舒州望江縣令
率工詩有集一卷今傳

張登

登初隱居性剛繁幅巾短褐交友名公後就辟歷衛
府參謀遷廷尉平久之拜監御史貞元中改河南士
曹掾遷殿中侍御史潭州刺史退居告老嘗晚春乘
輕車出南薰門抵暮指宜春門入關吏捧牌請書官
位登醉題曰閑遊靈沼送春回關吏何須苦見猜八
十老翁無品秩三曾身到鳳池來其猶迫如此數年

坐公累被劾吏議摺據不堪感疾而卒有集六卷權
德輿為序云

令狐楚

楚字殼士燉煌人也五歲能文章貞元七年尹樞榜
進士及第時李諒嚴綬鄭愔繼領太原高其才行引
在幕府由掌書記至判官德宗喜之每省太原奏疏
必能辨楚所為數稱羨之憲宗時累擢知制誥皇甫
鑄薦為翰林學士遷中書舍人拜中書侍郎同平章
事楚工詩當時與白居易元稹劉禹錫唱和甚多有
滄園集一百三十卷行于世自稱曰白雲孺子

楊巨源

巨源字景山蒲中人貞元五年劉大真下第一人及
第初為張弘靖從事拜虞部員外郎後遷太常博士
國子祭酒大和中為河中小尹入拜禮部郎中巨源
才雄學富用意聲律細摺得無窮之源綬有愈雋求
之味長篇刻琢純句清冷蓋得於此而失於彼者矣
有詩一卷行于世

馬逢

逢關中人貞元五年盧瑊榜進士佐鎮戎幕府掌從
軍出塞得詩名篇多警策有集今傳

王涯

涯字廣津貞元八年賈稜榜及第博學工文尤多雅
思梁肅異其才薦於陸贄又舉宏辭憲宗時知制誥
翰林學士俄拜中書侍郎平章事長慶中節度劍南
召為御史大夫遷戶部尚書監鹽鐵使進僕射涯權
璫昔急百姓怨之及其露禍起就誅悉詬罵投以瓦
礫須臾成堆性齷不蓄妓妾家財累鉅萬嘗布衣蔬
食酷好前古名書名畫充積左右道不可得必百計
傾陷以取之及家破往來人得卷軸皆剔取奩盒金
玉牙錦餘棄道途車馬踐踏悉損汚矣惜哉善為詩

風韻道然殊超意表集十卷今傳○否泰逆復盈虛
消息通理之常夫物盛者衰之漸也散者積之極也
有能終滿而不覆者乎况圖書入變化之際神物所
深忌者焉前脩耽玩成癖性々殺身猶非剝剝而至
也王涯培克聚斂以邀尊爵逼孤凌弱以積珍奇知
已之利忘人之害至於天奪其魄鬼瞰其家一旦飄
零殊可長歎孟子曰盆成括死矣傳曰貨悖而入者
亦悖而出不亦宜哉庶來者之少戒云

韓愈

愈字退之南陽人早孤依嫂讀書日記數千言通百

家貞元八年擢第九三詣光範上書始得調董晉表
署宣武節度推官汴軍亂去依張建封辟府排官遷
監察御史上疏論官市德宗怒貶陽山令有善政改
江陵法曹參軍元和中為國子博士河南令愈才高
難容累下遷乃作進學解以自諭執政奇其才轉考
功知制誥進中書舍人裴度宣尉淮西奏為行軍司
馬賊平遷刑部侍郎憲宗遣使迎佛骨入禁中因上
表極諫帝大怒欲殺裴度崔群力救乃貶潮州刺史
任後上表陳情哀切詔量移袁州刺史召拜國子祭
酒轉兵部侍郎京兆尹兼御史大夫長慶四年卒○

公英偉間生才名冠世繼道德之統明列聖之心獨
濟狂瀾詞彩繁爛齊梁綺豔毫髮都損有冠冕珮玉
之氣官商金石之音為一代文宗使頽細復振豈易
言也哉固無辭足以贊述云至若歌詩累百篇而駢
駕氣勢若掀雷走電撐決於天地之垠詞鋒學浪先
有定價也時功曹張署亦工詩與公同為御史又同
遷謫唱答見於集中有詩賦雜文等四十卷行于世

柳宗元

宗元字子厚河東人貞元九年苑論榜第進士又試
博學宏辭授校書郎調藍田縣尉累遷監察御史裏

行與王叔文常執詛善二人引之謀事擢禮部員外
郎欲大用值叔文敗貶邵州刺史半道有詔貶求州
司馬遍貶朝士書言情衆忌其才無爲用心者元和
十年徙柳州刺史時劉禹錫同謫得播州宗元以播
非人所居且禹錫母老具奏以柳州讓禹錫而自往
播會大臣亦有爲請者遂改連州宗元在柳多惠政
及卒百姓追慕立祠享祀血食至今公天才絕倫文
章卓偉一時輦行咸推仰之工詩語意深切發纖穠
於簡古奇至味於淡泊非餘子所及也司空圖論之
曰梅止於酸鹽止於鹹飲食不可無而其表常在酸

陳羽

賦之外可以一唱而三歎也子厚詩在陶淵明下
應物上退之豪放奇險則過之而温厲靖深不及也
今詩賦雜文等三十卷傳于世

羽江東人貞元八年禮部侍郎陸贄下第二人登科
與韓愈王涯等共爲龍虎榜後仕歷東宮衛佐羽工
吟與靈一上人交遊唱答寫難狀之景了了目前含
不盡之意皎々言外如自遣詩云稚子新能編筍笠
山妻舊解補荷衣秋山隔岸清猿叫湖水當門白鳥
飛此景何處無之前後誰能道者二十八字一序盡

圖非造次之謂也警句甚多有集傳于世

劉禹錫

禹錫字夢得中山人貞元九年進士又中博學宏詞
科工文章時王叔文得幸禹錫與之交嘗稱其有宰
相器朝廷大議多引禹錫及柳宗元與議禁中判度
支鹽鐵案藉其勢多中傷人御史竇羣劾云挾邪
亂政即日罷憲宗立叔文敗存朗州司馬州接夜即
俗信巫鬼每祠歌竹枝鼓吹俄延其聲儻俾禹錫謂
屈原居沅湘間作九歌使楚人以迎送神乃借聲作竹
枝辭十篇武陵人悉歌之始坐叔文敗者雖赦不原

宰相哀其才且困將澤用之乃悉詔補遠州刺史諫
官奏罷之時夕落魄鬱々不自抑其吐辭多諷詆遠
意感權臣而憾不釋久之召還欲任南省郎而作玄
都觀看花君子詩語譏忿當路不喜又謫守播州中
丞裴度言播徭狃所宅且其母年八十餘與子死決
恐傷陛下孝治請稍內遷乃易連州又徙夔州後由
和州刺史入為主客郎中至京後遊玄都詠詩且言
始謫十年還輦下道士種桃其盛若霞又十四年而
來無復一存唯兔葵燕麥動搖春風耳權近聞者益
薄其行裴度薦為翰林學士俄分司東都遷太子賓

客會昌時加檢校禮部尚書卒公恃才而放心不能
平行年益晏偃蹇寡合乃以文章自適善詩精絕與
白居易醉唱頗多嘗推為詩豪曰劉君詩在處有神
物護持有集四十卷今傳

孟郊

郊字東野洛陽人初隱嵩山稱處士性介不諧合韓
愈名一見為忘形交與唱和於詩酒間自元十二年李
程榜進士時年五十矣調溧陽尉縣有投金瀨平陵
城林薄蒼鬱下有積水郊間往坐水傍命酒揮琴裴
回賦詩終日而曹務多廢縣令白府以假尉代之分

其半俸辭官家居李翱分司洛中日與談讌薦於興
元節度使鄭餘慶遂奏為參謀試大理平事卒餘慶
給錢數萬營葬仍贍其妻子者累年張籍謠為自矜
先生門人遠赴心喪郊拙於生事一貧徹骨裘褐懸
結未嘗俛眉為可憐之奄然好義者更遺之工詩大
有理致韓吏部極稱之多傷不遇年邁家空思若奇
澁讀之每令人不懽如借車載家具家具少於車如
謝炭云吹霞弄日光不定瑗得曲身成直身如愁人
獨有夜燭見一紙鄉書淚滴穿如下第云棄置復下棄
置情如刀劍傷之類皆哀怨清切窮入冥搜其初登

第吟曰昔日醒歎不足嗟今朝曠蕩恩無涯春風得意馬蹄疾一日看盡長安花當時議者亦見其氣度窘促卒漂淪薄宦詩識信有之矣天寶為之謂之何哉李觀論其詩曰高處在古無上平處下顧三謝云時陸長源工詩相與來往篇什稍多亦佳作也有咸池集十卷行于世

戴叔倫

叔倫字幼公潤州金壇人師事蕭穎士為門生賦性溫雅善舉止能清談無賢不肖相接盡心工詩貞元十六年陳權榜進士掌在相庸幕下數年夕惕匪怠

吏部尚書劉公與祠部員外郎張繼書博訪選材日揖賓客叔倫投刺一見稱心遂就薦累遷撫州刺史政議龔黃民樂其治園扉寂然鞠為茂草詔書褒美封譙郡男加金紫後遷容管經畧使威名益振治亦清明仁恕多方所至稱最德宗賦中和節詩遣使者寵賜世以為榮還上表請為道士未幾卒叔倫初以淮汴寇亂魚肉江上携親族避地來鄱陽隸業勤苦志樂清虛閉門却掃與處士張衆甫朱放素厚范張之期曾不虛月詩興悠遠每作驚人句述藁十卷今傳于世

張仲素

仲素字繪之貞元十四年李隨榜進士與李翱呂溫同年以中朝無接不調潛耀久之後中博學宏辭始任武康軍從事貞元二十年遷司勳貞元外郎除翰林學士時憲宗求疊綸詩文遺草勅仲素編集進之後拜中書舍人仲素能屬文法度嚴確魏文帝有云文以意為主以氣為輔以詞為衛此言得之矣其每詞未達而意先備也善詩多警句句尤精樂府往々和在官商古人有未能愚者集一卷及賦樞三卷今傳

呂溫

溫字和叔河中人初從陸贄治春秋梁肅為文章貞元十四年李隨榜及第中宏辭與王叔文厚善驟遷左拾遺除待御史使吐蕃留不得遣彌年溫在絕域常自悲悅元和元年遷進戶部貞外郎與竇群羊士諤相愛群為中丞薦溫為衛史宰相李吉甫持久不報會吉甫病夜召術士群等因奏之事見羣傳上怒貶筠州無貶道州刺史詔徙衡州卒官所溫藻翰精瞻一時流輩咸推尚性險躁諷怪而好利今有集十卷行于世

張籍

籍字文昌和州烏江人也貞元十五年封孟紳榜及第授秘書郎歷太祝除水部員外郎初至長安謁韓愈一會如平生歡才名相許論心結契愈力薦為國子博士然性狷直多所責諷於愈亦不忘之時朝野名士皆與遊如王建賈嶋于鵠于孟郊諸公集中多所贈答情愛深厚皆別家千里遊宦四方瘦馬羸童青衫烏帽故每邂逅於風塵必多殷勤之恩銜孟命素又况於同志者乎聲調相似况味頗同公於樂府古風與王司馬自成機軸絕世獨立自李杜之後風雅道喪至元和中暨元白諠詩為海內宗匠謂之元和體病格稍振無愧洪河砥柱也樂天贈詩曰張公何為者業文三十春尤工樂府詞舉代少其倫仕終國子司業有集七卷傳于世

雍裕之

裕之蜀人有詩名貞元後數舉進士不第飄零四方為樂府極有精致集一卷今傳

權德輿

德輿字載之秦州人未冠以文章稱諸儒間韓洄黜陟河南辟置幕府後從江西觀察使李兼府為判官德宗聞其材召為太常博士改左補闕中間累上書

直言遷起居舍人貞元十五年知制誥進中書舍人
憲宗初歷兵部侍郎太子賓客以陳說謀畧多中元
和五生自太常卿拜禮部尚書同中書門下平章事
德輿善辯論開陳古今覺悟人主為輔相尚寬不其
察々封枝風郡公德輿能賦詩工古調樂府極多情
致積思經術無不貫綜手不釋卷雖動止無外飾其
醞籍風流自然可慕貞元元和間為薦紳羽儀有文
集今傳楊嗣復為序

長孫佐輔

佐輔朔方人舉進士下第放懷不羈弟公輔貞元間

為吉州刺史遂往依焉後卒不宦隱居以求志然風
流醞籍一代名儒詩格詞情繁縟不雜卓然有英邁
之氣每見其擬古樂府數篇極怨慕傷感之心如水
中月如鏡中相言可盡而理無窮也集今傳

楊衡

衡字中師雲人天寶間避地西來與符載李群李渤
同隱廬山結草堂於五老峯下號山中四友日以琴
酒寓意雲月遺懷衡詩工苦於聲韻奇拔非常格敢
窺其涯涘嘗吟罷自賞其作抵掌大笑長謔曰一一
鶴聲飛上天謂其響徹如此人亦歎伏試大理評事

往來多山僧道士為方外之期詩一卷今傳于世

唐才子傳卷第五終
中月賦...
文獻...
無可...
鮑溶...
白居易...
元稹...
李紳...
殷堯藩...
清塞...
沉亞之...
姚合...
袁不約...
張祐...
崔涯...
嚴暉...
杜牧...
韋楚老...
施肩吾...
章孝標...
韓琮...
韓湘...
劉得仁...
朱慶餘...
鮑溶...
張又新...
李紳...
殷堯藩...
清塞...
沉亞之...
姚合...
袁不約...
張祐...
崔涯...
嚴暉...
杜牧...
韋楚老...
施肩吾...
章孝標...
韓琮...
韓湘...
劉得仁...
朱慶餘

唐才子傳卷第六目錄

- 白居易
- 元稹
- 李紳
- 郁渾
- 鮑溶
- 張又新
- 殷堯藩
- 清塞
- 無可
- 熊孺登
- 李約
- 沉亞之
- 徐凝
- 裴夷直
- 薛濤
- 姚合
- 李廓
- 章孝標
- 施肩吾
- 袁不約
- 韓湘
- 韓琮
- 韋楚老
- 張祐
- 崔涯
- 劉得仁
- 朱慶餘
- 杜牧
- 嚴暉

居易字樂天太原下邳人弱冠名未振觀光上國謁
顧况况吳人恃才少所推可因調之曰長安百物皆
貴居大不易及覽詩卷至離離原上草一歲一枯榮
焚火燒不盡春風吹又生乃歎曰有句如此居天下
亦不難老夫前言戲之尔貞元十六年中書舍人高
郢下進士拔萃皆中補校書郎元和元年作樂府及
詩百餘篇規諷時事流聞禁中上悅之召拜翰林學士

唐才子傳卷第六

白居易

西域 辛 文房 撰

居易字樂天太原下邳人弱冠名未振觀光上國謁
顧况况吳人恃才少所推可因調之曰長安百物皆
貴居大不易及覽詩卷至離離原上草一歲一枯榮
焚火燒不盡春風吹又生乃歎曰有句如此居天下
亦不難老夫前言戲之尔貞元十六年中書舍人高
郢下進士拔萃皆中補校書郎元和元年作樂府及
詩百餘篇規諷時事流聞禁中上悅之召拜翰林學士

上歷左拾遺時盜殺宰相京師洶々居易首上疏請
亟捕賊權臣有嫌其出位怒俄有言居易毋隨并死
而賦新井篇言既浮華行不可用貶江州司馬初以
勳庸暴露不宜實無他腸拂怒姦黨遂失志亦能順
所遇託浮屠死生說忘形骸者久之轉中書舍人知
制誥河朔亂兵出無功又言事不見聽乞外除爲杭
州刺史文宗立召遷刑部侍郎會昌初致仕卒居易
累以忠鯁遭擯乃放縱詩酒既復用又皆幼君仕情
頗尔索賞卜居履道里與香山僧如滿等結淨社疏
沼種樹構石樓數立八節灘爲游賞之樂茶鐺酒杓不

相離嘗科頭箕踞談禪詠古曩如也自號醉吟先生
作傳酷好佛亦經月不輟稱香山居士與胡果吉叟
鄭攄劉真盧貞張渾如滿李文爽蕪集皆高年不仕
日相招致時人慕之繪九老圖公詩以六義爲主不
尚艱難每成篇必令其家老姬讀之問解則錄後人
評白詩如山東父老課農桑言言皆實者也雞林國
行賈售於其人相卒篇百金僞者即能辨之與元稹
極善膠漆音韻亦同天下曰元白元卒與劉賓客齊
名曰劉白云公好神僊自製飛雲屐焚香振足如撥
烟霧冉冉生雲初來九江居廬島峯下作草堂燒丹

今尚存有白氏長慶集七十五卷及所撰古今事實
為六帖及述作詩格法欲自除其病名白氏金針集
三卷並行于世

元稹

稹字微之河南人九歲工屬文十五擢明經書判入
等補校書郎元和初對策第一拜左拾遺數上書言
利害當路惡之出為河南尉後拜監察御史按獄東
川還次敷水驛中人仇士良夜至稹不讓邸仇怒擊
稹敗面宰相以稹年少輕威失憲臣體貶江陵士曹
參軍李絳等論其狂元和末召拜膳部員外郎稹詩

變體往往宮中樂也皆誦之呼為才子然綴屬雅廣
樂府專其警策也初在江陵與監軍崔潭峻吾長慶
中崔進其詩數千百篇帝大悅問今安在曰為南
宮散郎擢祠部郎中知制誥俄遷中書舍人翰林承
旨後拜同中書門下平章事初以瑕釁舉動浮薄朝
埜雜咲未幾罷然素無檢整輕不為公議所右除武
昌節度使卒在越時碎寶璽聳工詩曰酬和故鏡湖
秦望之奇益傳時號蘭亭絕唱微之與白樂天最密
雖骨肉未至愛慕之情可欺金石千里神交若合符
契唱和之多無踰二公者有元氏長慶集一百卷及

小集十卷今傳。夫松柏飽風霜而後勝梁棟之任。人必勞饑空乏而後無充訕之態。譽早必氣銳氣銳則志驕志驕則歛。悉先達者未足喜。晚成者或可賀。况慶吊相望於門閭不可測哉。人評元詩如李龜年說天寶遺事貌悴而神不傷。况木物移人侈俗。天性足見其舉止斐薄。半葺仍且不容勝。已至登庸成。黍貽笑於多士。其來尚矣。不矜細行終累大德。豈不聞言行君子之樞機。榮辱之主邪。古人不耻能治而無位耻有位而不能治也。

李紳

紳字公垂。亳州人。元和元年武翊黃榜進士。與皇甫湜同年補國子助教。穆宗召為翰林學士。累遷中書舍人。武宗即位拜中書侍郎平章事。紳為人短小精悍。於詩特有名號。短李與李德裕元稹同時。稱三俊。集名追昔遊多紀行之作。又批荅一卷。皆傳初為壽州刺史。有秀才郁渾年甫弱冠。應百篇科。紳命題試。之味皆而就。警句佳意甚多。亦有集今傳。

鮑溶

溶字德源。元和四年韋瓘榜第進士。在揚汝士。一時與李端公益少。同袍為尔汝交。初隱江南山中。避地。

家苦貧勁氣不擾羈旅四方登臨懷昔皆古今絕唱
過隴頭古天山大坂泉水嗚咽分流四下賦詩曰隴
頭水千古不堪聞生歸蘇屬國死別李將軍細響風
凋草清哀鴈入雲其警絕大槩如此古詩樂府可稱
獨步蓋其氣力宏瞻博識清度雅正高古衆才無不
備具云率飄蓬薄宦客死三川有集五卷今傳

張又新

又新字孔昭深州人也初應宋辭第一又為京兆解
頭元和九年禮部侍郎章貫之下狀元及第時號為
張三頭應辟為廣陵從事歷補闕為性傾邪諂事宰

相李逢吉為之鷹犬名在八關十六子之且逢吉領
山南節度表為司馬坐由任事貶官李訓專政又新
後見用後竟坐事謫遠州刺史仕終左司郎中善為
詩恃才多譎藉其滯蕩之行卒見於篇掌曰我少年
擅義名意不欲仕宦惟得義妻平生足矣聚揚夏州
女有德無毛殊快人後過淮南李紳筵上得一歌姬
與之偕老其在斐類此喜嗜茶根在陸羽後自著煎
茶水記一卷及詩文等行于世

殷堯藩

堯藩秀麗人為性簡靜眉目如畫工詩文耽江聲之

趣寧曰吾一日不見山水與俗人談便覺胸次塵土
堆積急呼濁醪澆之聊解穢耳元和九年韋貫之放
榜光藩落第揚尚書大為稱屈料理因擢進士數年
為永樂縣令一舸之官彈琴不下堂而人不忍欺雍
陶寄詩曰古縣蕭條秋景晚青時陶令亦如君頭巾
漉酒臨黃菊手板支頤向白雲百里豈能容驥足九
霄終自別雞群相思不恨書來少佳句多從闕下聞
及與沉亞之馬戴為詩友贈答甚多後仕終待御史
堯藩初遊韋應物門墻分契莫逆及來長沙尚書李
翱席上無柘枝者容詰悽惻因感而賦詩以贈曰

姑蘇太守青娥女流落長沙無柘枝滿座繡衣皆不
識可憐紅粉淚雙垂衆客驚問之果韋公愛姬所生
女也相與吁歎翱即命削丹書於賓館中擢士嫁之
今有集一卷傳世皆鏗鏘蘊籍之作也

清塞

清塞字南鄉居廬嶽為浮屠客南徐亦以後來少室
終南間俗姓周名賀工為近體詩格調清雅與賈島
無可齊名寶曆中姓合守錢塘因携書投刺以巧品
第合延待甚異見其哭僧詩云凍鬚亡夜剃遺得病
中書大參之因加以冠巾使復姓字時夏薦已高榮

望落々竟往依名山諸尊宿自終詩一卷今傳

無可

無可長安人高僧也工詩多為五言初賈島棄俗時同居青龍寺呼鳴為從兄與馬戴姚合厲玄多有酬唱律調謹嚴屬興清越此物以意謂之象外白如日聽雨寒更盡開門落葉深又曰微陽下喬木遠燒入纒山凡此等新奇當時翕然稱尚妙在言用而不失其旨耳今集一卷相傳

熊孺登

孺登鍾陵人有詩名元和中為西川從事與白居易人

劉賓客善多贈答亦祇役湘中數年凡下筆言語妙天下如江流如箭月如弓行盡三湘數夜中無奈子規知向蜀一聲聲似怨春風又經古墓云碑折松枯山火燒夜臺曾閉不曾朝那將逝者比流水流水東流逢上潮類此極多有集今傳

李約

約字存博沂公李勉之子也元和中仕為兵部員外郎與主客員外張諗極相知每單枕靜言達旦不寐嘗贈章况曰我有心中事不向章郎說秋夜洛陽城明月照張八性清潔寡欲一生不近粉黛博古探奇

初沂公海內名臣多蓄古今玩器約愈好之所居軒
屏几案必置古銅怪石法書名畫皆歷代所珍坐間
悉雅士清談終日彈琴者客心畧不及塵事也掌使
江南於海門山得雙峯石及綠石琴薦並為好事者
傳閱然亦寓意未嘗真然真情豪奪怪與復嗜茶與
陸羽張又新論水品特詳曾授客煎茶法曰茶須緩
火炙活火煎當使湯無妄沸始則魚目散布微々有
聲中則四畔泉湧累々然終則騰波鼓浪水氣全消
此老湯之法固須活火香味俱真矣時知音者賞之
有詩集後棄官終隱又著東杓引譜一卷今傳

沉亞之

亞之字下賢吳興人初至長安與李賀結交舉不第
為歌以送歸元和十年侍郎崔群下進士涇原李彙
辟為掌書記為秘書省正字長慶中補櫟陽令四年
遷福建團練副使事徐晦後累遷殿中丞御史內供
奉太和三年栢耆宣慰德州取為判官耆罷亞之貶
南康尉後終郢州掾亞之以文詞得名然狂躁貪冒
輔者為惡頗憑陵晚達故及於謫常遊韓吏部門杜
牧李商隱俱有擬沈下賢詩畫甚為當時名輩器重
云有集九卷傳世

徐凝

凝睦州人元和間有詩名方于師事之與施肩吾同里閉日親聲調無進取之意交眷悉激勉始遊長安不忍自衒鬻竟不成名將歸以詩辭韓吏部云一生所遇惟元白天下無人重布衣欲別朱門淚先盡白頭遊子白身歸知者怜之遂歸舊隱潛心詩酒人間榮耀徐山人不復貯齒頰中也老病且貧意泊無惱優悠自終集一卷今傳。余昔經桐廬古邑山水蒼翠嚴先生釣石居然無恙忽自星沈千載寥邈後之學者往往繼踵芳莖文華偉傑義逼雲天產秀毓奇

此時為冠至今有長吟高蹈之風古碑石刻題名等相傳不廢攬轡彷彿不忍去之勝地以一人興先賢為來者重固當相勉而無倦也

裴夷直

夷直字禮鄉吳人元和十年禮部侍郎崔群下進士仕為中書舍人武宗立以罪貶驩州司戶宣宗初為江華二州刺史終尚書左司員外郎散騎常侍工詩有盛名集一卷今傳于世

薛濤

濤字洪度成都樂妓也性辨惠調翰墨居浣花里種

葛蒲蒲門傍即東北走長安道也往來車馬留連元
和中元微之使蜀密意求訪府公嚴司空知之遣瀉
往侍微之登翰林以詩寄之曰錦江滑膩峨嵋秀幻
出文君與薛濤言語巧偷鸚鵡舌文章分得鳳皇毛
紛々詞客皆停筆箇々公侯欲夢刀別後相思隔烟
水葛蒲花發五雲高及武元衡入相奏授授書郎蜀
人呼妓為授書自濤始也後胡曾贈詩曰万里橋邊
共授書枇杷樹下閉門居掃眉才子知多少管領春
風總不知瀉工為小詩惜成都殘幅大遂皆製狹之
人以爲便名曰薛濤箋且機警閑捷座間談咲風生

高駢鎮蜀門日命之佐酒敗一字愜音今且得形象
曰口似沒梁斗荅曰川似三條椽公曰柰一條曲何
曰相公爲西川節度尚用一破斗况窮酒佐雜一曲
椽何足怪哉其敏捷類此特多座客賞歎其所作詩
稱欺良匠詞意不苟情盡筆墨翰苑崇高輒能攀附
殊不意裙裾之下出此異物豈得匪其人而棄其學
哉大和中卒有錦江集五卷今傳中多名公贈荅云

姚合

合陝州人宰相崇之曾孫也以詩聞元和十一年李
逢吉知貢舉有夙好因拔泥塗鄭辭榜及第歷武功

主簿富平萬年尉瑤應中除監察御史遷戶部員外
郎出為金杭二州刺史後召入拜刑戶三部郎中諫
議大夫給事中開成間李商隱尉弘農以活囚忤觀
察使孫簡將罷去會合來代簡一見大喜以風雅之
契即諭使還官人雅服其義後仕終秘書監與賈嶋
同時號姚賈自成一法嶋難吟有清冽之風合易作
皆平澹之氣興趣俱到格調少殊所謂方拙之奧至
巧存焉蓋多歷下邑官况蕭條山縣荒涼風景相弊
之間最工模寫也性嗜酒愛花頽然自放人事生理
畧不介意有達人之大觀所為詩十卷及選集王維

祖諫等十八人詩為極玄集一卷序稱維等皆詩
家射鵰手也又據古人詩聯叙其指意各有體要撰
詩例一卷今並傳焉

李廓

廓宰相程之子也少有志勲業攬轡慨然而未肯屑
就遂困場屋中作下第詩曰榜前潛制淚衆裏獨嫌
身氣味如中酒情懷似別人時流皆稱賞且憐之因
共推挽元和十二年獨孤擢榜進士調司經局正字
出為鄆縣令累歷顯官仕終武寧節度使政有音績
工詩極綺緻與賈嶋相交善集今傳世

章孝標

孝標字道正錢塘人李紳鎮淮東時春雪孝標參座
席有詩名紳命札請賦唯然索筆一揮云六出花飛
颯々飄黏窓拂砌上寒條朱門到曉難盈尺盡是三
軍喜氣消李大稱賞薦於主文元和十四年禮部待
郎庾承宣下進士及第授校書郎於長安將歸嘉慶
先寄友人曰及第全勝十政官金湯渡了出長安馬
頭漸入揚州郭為報時人洗眼看紳適見丞以一絕
箴之曰假金方用真金鑲若是真金不鑲金十載長
安方一第何須空腹用高心孝標慚謝傷其氣宇窘

悉終不大用大和中掌為山南道從事試大理評事
仕終秘書正字有集一卷傳世

施肩吾

肩吾字希聖睦州人元和十五年虜儲榜進士第後
謝禮部陳侍郎云九重城裡無親識八百人中獨姓
施不待除授即東歸張籍群公吟餞人皆知有仙風
道骨寧戀人間斗耶而少存箕穎之情拍浮詩酒
塞擊烟霞初讀書五行俱下至是授真筮於仙長遂
知逆順顛倒之法與上中下精氣神三由返覆之義
以洪州西山十二真君羽化之地慕其真風高蹈於

此題詩曰重々道氣結成神王闕金堂逐日新若數
西山得道者兼余即是十三人早嘗賦閑居遣興詩
一百韵頗述初心大行于世著辨疑論一卷西山傳
道會真等記各一卷述氣性則神住神住則形住為
三住銘一卷及所為詩十卷自為之序今傳

袁不約

不約字還朴長慶三年鄭冠榜進士太和中以平判
入等調官有詩傳世

韓湘

湘字清夫愈之姪孫也長慶三年禮部侍郎王起下

進士落魄不羈見趣必高遠苦吟公勉以經學曰湘
所學公不知耶因賦詩以述志云青山雲水窟此地
是吾家後夜流瑤液凌晨咀絳霞琴彈碧玉調爐煉
白朱沙瑤鼎存金虎元由養白鴉一瓢藏世界三尺
斬妖邪解造逡巡酒能開頃刻花有人能學我同去
看仙葩公咲曰子能棄造化乎湘曰此事甚易公為
開樽湘聚土以盆覆之嘿水良久開碧花二朶花片
上有詩一聯云雲橫秦嶺家何在雪擁藍關馬不前
公甚異怪未諭其意曰他日驗之告違去未幾公以
諫佛骨事謫潮州刺史一日途中見有人冒風雪從

林嶺間來視乃湘也再拜馬前曰公憶花上之句乎
因詢其地即藍關差嘆久之解鞍酒壚命酌足成詩
曰一封朝奏九重天夕貶潮陽路八千本為聖朝除
弊事豈期衰朽送殊年雲橫秦嶺家何在雪擁藍關
馬不前知汝遠來應有意好收吾骨瘴江邊又贈詩
曰人才為世古來多如子雄文孰可過好待功名成
就日却抽身去上烟蘿湘咲而不吝獻詩別公曰舉
世都為名利醉惟吾來向道中醒他時定是飛昇去
衝破秋空一點青遂別竟不知所終

韓琮

琮字成封長慶四年李群榜進士及第太中々仕至
湖南觀察使有詩名多清新之製錦不如也澹水送
別云綠暗紅稀出鳳城暮雲樓閣古今情行人莫聽
官前水流盡年光是此聲駱口晚望云秦川如畫渭
如絲去國還家一望時公子王孫莫來好嶺花多是
斷腸枝如此等喧滿人口餘極多皆編是集一卷今
傳

韋楚老

楚老長慶四年中書舍人李宗閔下進士仕終國子
祭酒工詩氣既淳雄語亦豪健衆作古樂府居多祖

龍行日黑雲乍氣射天裂壯士朝眠夢寃結祖龍一
夜死沙丘胡亥空隨鮑魚轍腐肉偷生二千里偽書
先賜扶蘇死墓接驪山土未乾瑞光已向芒碭起陳
勝城中鼓三下秦家天地如崩瓦龍蛇掠亂入咸陽
少帝空隨漢家馬傑製頗多俱當刮目今並傳

張祐

祐字兼言南陽人來寓姑蘇樂高尚稱處士騷情雅
思凡知己者悉當時英傑然不業程文元和長慶間
深為令狐文公器許鎮天平日自草表薦以詩三百
首獻于朝辭畧曰凡製五言苟含六義近多放誕靡

有宗師祐久在江湖早工篇什研幾甚苦搜象頗深
輦流所推風格罕及謹令繕錄詣光順門進獻望
付中書門下祐至京師屬元稹號有城府偃仰內庭
上因召問祐之詞藻上下稹曰張祐雕蟲小巧壯夫
不為若獎激太過恐變陛下風教上頷之由是寂寞
而歸為詩自悼云賀知章口徒勞說孟浩然身更不
疑遂客淮南杜牧時為度支使極相善待有贈云何
人得似張公子十首詩輕萬戶侯祐苦吟妻挈每喚
之皆不應曰吾方口吻生華豈恤汝輩乎性愛山水
多遊名寺如杭之靈隱天竺蘇之靈岩楞伽常之惠

山善權潤之甘露招隱往々題詠唱絕同時崔淮亦
工詩與祐齊名頗自放行樂或乘輿北里每題詩倡
肆譽之則聲價頓增毀之則車馬掃迹淮尚義有俠
詩云太行嶺上三尺雪崔淮袖中三尺劍一朝若遇
有心人出門便與妻兒別嘗共謁淮南李相祐稱釣
鼈客李怪之曰釣鼈以何為竿曰以虹以何為釣曰
新月以何為餌曰以短李相也紳壯之厚贈而去晚
與白樂天日相聚譏詈樂天譏以足下新作憶柘枝
云鴛鴦鈿帶拖何處孔雀羅衫付阿誰乃一問頭耳
祐曰鄙薄之謂是也明公長恨歌曰上窮碧落下黃

泉兩處萍々都不見又非日連尋母邪一座大咲初
過廣陵曰十里長街市井連月明橋上看神仙人生
只合揚州死禪智山光好墓由太中々果卒於丹陽
隱居人以爲識云詩一卷今傳○衛遠伯玉耻獨爲
君子今孤公其庶幾元稹則不然矣十譽不足一毀
有餘其事業淺深於此可以觀人也爾所不知人其
舍諸稹謂祐雕虫瑣々而稹所爲有不若是耶忌賢
嫉能迎戶而噬畧已而過人者穿窬之行也祐能以
處士自終其身聲華不借鐘鼎而高視當代至今稱
之不遇者天也不泯者亦天也豈若彼取容阿附遺

臭之不巳者哉

劉得仁

得仁、公主之子也。長慶間，以詩名。五言清整，獨步文場。自開成後，至太中三朝，昆弟以貴戚皆擢顯仕。得仁獨苦工文章，立志必不獲科第，不願僭人之爵也。出入舉場二十年，竟無所成。投跡幽隱，未嘗歌之。有寄所知詩云：外族帝王是中朝親，故稀翻令浮議者不許。九霄蜚憂而不困，怨而不怒，哀而不傷，鏗鏘金玉，難合同流，而不厭於磨淬。端能確守格律，揣治聲病，其心窮苦，不汲汲於富貴。王孫公子，中千載求一

人不可得也。及卒，僧栖白吊之曰：思苦為詩，身到此水，魂雪魄已難招。直教桂子落墳上，生得一枝冤結。銷有詩一卷行于世。

朱慶餘

餘字可久，以字行。閩中人。珣曆二年，裴球榜進士。及第授秘書省校書郎。張水部詩言：杰平意絕社中哲，匠也有名當時集一卷，今傳。

杜牧

牧字牧之，京兆人也。善屬文。太和二年，韋處士榜進士。與厲玄同年。初，未第來東都時，主司侍郎崔郾太學

博士吳武陵策蹇進謁曰侍即以峻德偉望為明君
 選才僕敢不薄施塵露向偶見文士十數輩揚眉抵
 掌共讀一卷文書覽之乃進士杜牧阿房宮賦其人
 王佐才也因出卷播芳朗誦之郎大加賞曰請公與
 狀頭郎曰已得人矣曰不得即請第五人更否則請
 以賦見還辭容激厲郎曰諸生多言牧踈曠不拘細
 行然敬依所教不敢易也後又舉賢良方正科沉傳
 師表為江西團練府巡官又為牛僧孺淮南節度府
 掌書記拜侍御史累遷左補闕歷黃池陸三洲刺史
 以考功郎中知制誥遷中書舍人牧剛直有奇節不

為躄々小謹敢論列大事指陳利病尤切兵法戎機
 平昔盡意嘗以從兄惛更歷將相而已困蹟不振快
 々難平卒年五十臨死自寫墓誌多焚所為文章詩
 情豪邁語卒驚人識者以擬杜甫故呼大杜小杜以
 別之後人評牧詩如銅丸走坂駿馬注坡謂圓快奮
 急也牧美容姿好歌舞風情頗張不能自遏時淮南
 稱繁盛不減京花且多名姬純在牧恣心賞牛相取
 街吏報杜書記平安貼子至盈篋牧御史分司洛陽
 時李司徒閑居家妓為當時第一宴朝士以牧風憲
 不敢邀牧因遣諷李使召已既至日聞有紫雲者妙

歌舞孰是即贈詩曰華堂今日綺筵開誰喚分司御
 史來忽發在言驚四座兩行紅袖一時回意恣閑逸
 倘若無人座客莫不稱異大和末往湖洲日成一女
 子方十餘歲約以十年後吾來典郡當納之結以金
 幣泊周墀入相上殿乞守湖洲比至已十四年前女
 子從人兩抱雛矣賦詩曰自恨尋芳去較遲不須惆
 悵怨芳時如今風擺花狼籍綠葉成陰子滿枝此其
 大槩一二凡所牽繫情見于詩別業樊川有樊川集
 二十卷及註孫子並傳同時有嚴憚字子重工詩與
 牧友善以問春詩得名音聞有集今無之矣

唐才子傳卷第七目錄

- | | | | |
|-----|-----|-----|-----|
| 楊發 | 李遠 | 李敬方 | 許渾 |
| 雍陶 | 賈馳 | 伍喬 | 陳上義 |
| 李商隱 | 喻鳧 | 薛瑩 | 薛逢 |
| 趙嘏 | 薛能 | 李宣古 | 李宜遠 |
| 姚鵠 | 項斯 | 馬戴 | 孟遲 |
| 任蕃 | 顧非熊 | 曹鄴 | 鄭嵎 |
| 劉駕 | 方干 | 李頻 | 李群玉 |

十才子傳目錄

唐才子卷第七

西域 辛 文房 撰

楊發

發太和四年禮部侍郎鄭澣下第二人及第一詩亦
 當時聲韻之偉者畧舉一篇宿黃花館云孤館蕭條
 槐葉稀暮蟬聲隔水聲微年年為客路長在日夕送
 入身未歸何處離鴻迷浦月誰家愁婦搗寒衣夜深
 不卧簾猶捲數点殘螢入戶飛俱冽亮清新頗驚凡
 聽恨其出處事跡不得而知也有詩傳世尚多

李遠

唐才子卷第七
 西域 辛 文房 撰
 楊發
 太和四年禮部侍郎鄭澣下第二人及第一詩亦
 當時聲韻之偉者畧舉一篇宿黃花館云孤館蕭條
 槐葉稀暮蟬聲隔水聲微年年為客路長在日夕送
 入身未歸何處離鴻迷浦月誰家愁婦搗寒衣夜深
 不卧簾猶捲數点殘螢入戶飛俱冽亮清新頗驚凡
 聽恨其出處事跡不得而知也有詩傳世尚多

遠字、求古太和五年杜陟榜進士及第蜀人也少有
太志夸邁流俗為詩多逸悉五彩成文早歷下邑詞
名卓然宣宗時宰相令狐綯進奏擬遠杭州刺史上
曰朕聞遠詩有青山不厭千杯酒白白惟鎖一局碁
是疎放如此豈可臨郡理人綯曰詩人抱此以寫高
興耳未必實然上曰且令往觀之至果有治聲性簡
儉嗜啗鳧鴨貴客經過無他贈厚者綠頭一雙而已
後歷忠建江三州刺史仕終御史中丞初牧潞城求
天瑤遺物得秦僧收楊妃襪一襪珎韻呈諸好事者
會李群主校書自湖湘來過九江遠厚遇之談咲求

白君主話及向賦黃陵廟詩動朝雲暮雨之興殊亦
可怪遠曰僕自獲凌波片玉軟輕香窄每一見未嘗
不在馬嵬下也遠更相戲咲各有賦詩後來頗為法
家所短蓋多情少束亦徒以微辭相感動耳有詩集
一卷今傳

李敬方

敬方字中叟長慶三年鄭冠榜進士太和中仕為歙
州刺史後坐事左遷台州刺史有詩下卷傳世

許渾

渾字仲晦潤州丹陽人圍師之後也大和六年李瑋

榜進士為當塗太平二縣令少苦學勞心有清羸之疾至是以伏枕免久之起為潤州司馬太中三年拜監察御史歷虞部員外郎睦郢二州刺史掌分司朱方買田築室後抱病退居丁卯澗橋村舍暇日綴錄所作因以名集渾樂林泉亦慷慨悲歌之士登高懷古已見壯心故為格調豪麗猶弘弩初張牙淺弦急俱無留意耳至今慕者極多家々自謂得驪龍之照夜也早歲嘗遊天台仰看瀑布旁眺赤城辨方廣於非烟躡石橋於懸壁登陟兼晨窮覽幽勝朗誦孫綽古賦傲然有思歸之想志存不朽再三平昔彷彿不

能去以王事不果有負初心後晝夢登山有官闕凌虛問曰此崑崙也少頃遠見數人方飲招渾就坐暮而罷一佳人出箋求詩未成夢破後吟曰曉入瑤臺露蒸清庭中惟見許飛璫塵心未斷俗緣在十里下山空月明他日復夢至山中佳人曰子何題余姓名於人間遂改為天風吹下步虛聲曰善矣渾才思翩翩仙子所愛夢寐求之一至于此昔子建賦洛神人以徒聞虛語以是謂誕誕不信矣未幾遂卒有詩二卷今傳

雍陶

十子卷七

三

陶字國鈞成都人工於詞賦少貧遭蜀中亂後播越
羈旅有詩云貧當多病日閑過少年時太和八年陳
寬榜進士及第一時名輩咸偉其作然恃才傲睨薄
於親黨其舅雲安李欽之下第歸三峽却寄陶詩云
地近衡陽雖少鴈水連巴蜀豈無魚得詩頗愧赧遂
通問不絕大中六年授國子毛詩博士與賈嶋殷亮
藩無可徐凝章孝標交善以琴樽詩翰相娛留長安
中太中末出刺蒲州時名益重自此謙宣城柳吳興
國初諸人書效耳賓至必佯為挫辱投贄者少得通
秀才馮道明時稱機捷因罷舉請謁給闈者曰與太

守有故陶倒屣及見呵責曰與足下素昧平生何故
之有馮曰誦公詩文室邇人遠何隔平生吟陶詩數
聯如立當青草人先見行近白蓮魚未知又閑門客
到常如病滿院花開未是貧又江聲秋入峽雨色夜
侵樓等句陶多其慕已厚贈遺之自負如此後為雅
州刺史郭外有情盡橋乃分衿祖別之所因送客陶
怪之遂於上立候館改名折柳橋取古樂府折楊柳
之義題詩曰從來只有情難盡何事呼為情盡橋自
此改名為折柳任宅離恨一條々甚膾義當時竟辭
榮閑在廬嶽養病傲世與塵事日冥矣有唐志集五

賈馳

馳太和九年鄭確榜進士初負才質躡躑名場往來
公鄉間擔簦躡屨莫伸其志嘗入關賦詩云河上微
風來關頭樹初濕今朝關城吏又見孤客入上國誰
與期西來徒自急主司得聞有怜才之意遂放第不
甚顯宦詩文俱得羨聲後來文士集中多稱賈先輩
其名譽為時所重云有集傳世

伍喬

喬少隱廬山讀書工為詩與杜牧之同時擢第初

喬與張洎少友善洎仕為翰林學士眷寵優異喬時
任歙州司馬自傷不調作詩寄洎戒去僕曰侯張洎
宴即投之洎得緘云不知何處好銷憂公退携樽即
上樓職事久參侯伯暮夢魂長達帝王州黃山向晚
盈軒翠黦水含春遠郡流遙想玉堂多暇白花時誰
伴出城遊洎動容久之為言於上召還為考功員外
郎卒官今有詩二十餘篇傳于世

陳上義

上義開成元年禮部侍郎高鋈放榜第二人登科以
詩鳴當時間作悉佳製論其骨格本峭但少无耳有

集今傳○夫矻々窮經志在死而不亡者天道良難
無固必也或稱碩儒而名偶身衰或廼頽然而青編
不削又若以位高金多心廣體胖而富貴驕人文稱
功業黷々則未若腐草之有螢也今群臣論古終日
其人既遠骨已朽矣幸而炤灼簡牘未必皆揚雄班
馬之流耳於茲傳中族匪聞望官不隆重俱以一詠
爭長歲月者亦多豈曰小道而忽之設有白壁入地
不滿尺出土無層寸雖下和幢々往來其間不失者
亦鮮矣幸不幸之謂也

李商隱

商隱字義山懷州人也今狐楚奇其才使遊門下授
以文法遇之甚厚開成二年高錡知貢舉楚善於錯
獎譽其力遂擢進士又中拔華楚又奏為集賢校理
楚出王茂元鎮興元素愛其才表掌書記以子妻之
除待御史茂元為牛李黨士流強謫商隱以為謫薄
無行共排擯之來京都久不調更依桂林總管鄭亞
府為判官後隨亞謫循州三年始回歸窮於宰相綯
綯惡其忤家恩做利偷合從小人之辟謝絕殊不展
分重陽日因詣廳事留題云十年泉下無消息九日
樽前有所思又云即君官重施行馬東閣無因許

窺緇見之惻然廼補太學博士柳仲郢節度中丞
為判官商隱廉介可畏出為廣州都督人或袖金以
贈商隱曰吾自性分不可易非畏人知也未幾入拜
檢校吏部員外郎罷客榮陽卒商隱工詩為文瑰邁
奇古詩難事隱及從楚學儼偶長短而繁縟過之每
屬綴多檢閱書冊左右鱗次號獺奈魚而首能感人
人謂其橫絕前後時温庭筠段成式各以稷綴相夸
號三十六體後評者謂其詩如百寶流蘇千絲鐵網
綺密瓌妍要非適用之具斯言信哉初得大名薄遊
長安尚希識面因投宿逆旅有眾客方酣飲賦木蘭

花詩就呼與坐不知為商隱也後成一篇云洞庭波
冷曉侵雲日々征帆送遠人幾度木蘭船上望不知
元是此花身客問姓名大驚稱罪時白樂天老退極
喜商隱文章曰我死後得為兒足矣白死數年生
子遂以白老名之既長殊鄙鈍温飛卿戲曰以爾為
侍郎後身不亦忝乎後更生子名衮師聰俊商隱詩
云衮師我嬌兒英秀乃無匹此或其後身也商隱文
自成一格後之學重者謂西崑體也有樊南甲集二
十卷乙集二十卷玉溪生詩三卷初自號玉溪子又
賦一卷文一卷並傳於世

喻臯

臯，思陵人。開成五年，李從實榜進士。仕為烏程縣令。有詩名，晚歲變雅。臯亦風靡，專工小功，高古之氣掃地。所畏者，務陳言之是去耳。後來才子皆稱喻先輩。向慕之情足見也。同時薛瑩亦工詩，臯詩一卷，瑩詩洞庭集一卷，今並傳。

薛逢

逢字陶臣，蒲州人。會昌元年，崔峴榜第二人進士。調萬年尉，未幾佐河中幕府。崔鉉入相，引直弘文館。歷侍御史、尚書郎，持論鯁切，以謀畧高自顯。布衣中與

劉瑑交，而文辭出逢下。常易瑑及當國有鹿逢，知制誥者瑑，猥言先朝以兩省官給事，舍人治州縣乃得除逢。未試，不可乃出為巴州刺史。初及第，與楊收、王鐸同年而逢，文藝最優，收輔政，逢有詩云：誰知金印朝夫客，同是沙堤避路人。收劄之，乃為逢綿二州刺史。及鐸相逢，又賦詩云：昨日鴻毛萬鈞重，今朝山岳一毫輕。鐸怒，中外亦鄙逢。補微遷秘書監，卒。逢晚年岨岬，窄塗尊策，羸赴朝，值新進士榜下，綴行而出。呵殿整然，見逢行李蕭條，前導曰：迴避新帥君。逢蹶然因遣一介語之曰：報道莫貧相，阿婆三五少年時。

也曹東塗西林來其人辟易。○逢天資本高學力亦
贍故不甚苦思豪逸之態長短皆卒然而成未免失
淺露俗亦當時所尚非離群絕俗之謂夫道家三寶
其一不敢為天下先前人者孰肯後受之加人者孰能
受之觀逢恃才怠傲耻在喧卑而喋々唇齒亦猶惡
醉而強酒也累擯遠方寸進尺退至龍鍾而自憤不
已蓋禍福無不自已者焉有詩集十卷又別紙十三
卷賦集十四卷今並行

趙嘏

嘏字承祐山陽人會昌二年鄭言榜進士大中々仕

為渭南尉一時名士大夫極稱道之興宦頗不如意
宣宗雅知其名因問宰相趙嘏詩人曾為好官否可
取其詩進來讀其卷首題秦詩云徒知六國隨斤斧
莫有群儒定是非上不悅事寢嘏嘗早秋賦詩曰殘
星數点鴈橫塞長笛一聲人倚樓杜牧之呼為趙倚
樓賞歎之也又初有詩落句云早晚粗酬身事了水
邊歸去一閑人仕途屹兀豈其識也嘏豪邁乘達多
倍接御相出入館閣如親屬然能以書生令遠近知
重所謂一日名動京師三日傳滿天下有自來矣命
霽仙尉追蹤梅市亦不惡耳先嘏家浙西有羨姬溺

愛及計借留侍母倉中元遊鶴林寺浙帥窺見悅之
 奪歸明年嘏及第自傷賦詩曰寂寞堂前日又曛陽
 臺去作不歸雲當時聞說沙吒利今日青娥屬使君
 帥聞之殊慘々遣分送姬入長安時嘏方出關途次
 橫水驛於馬上相遇姬因抱嘏痛哭信宿而卒遂葬
 於橫水之陽嘏思慕不已臨終目有所見時方四十
 餘今有渭南集及編年詩二卷悉取十三代史事迹
 自始生至百歲々賦一首二首總得一百一十章今
 並行于世

薛能

能字太拙汾州人會昌六年秋慎思榜登第大中末
 書判入等中選補盤屋尉辟太原陝虢河陽從事李
 福鎮滑臺表置觀察判官歷御史都官刑部員外郎
 福徙帥西蜀奏以自副咸通中攝嘉州刺史造朝遷
 主客度支刑部郎中俄為同州刺史京兆大尹出帥
 咸化入授工部尚書復節度徐州徙鎮忠武廣明元
 年徐軍戍激水經許能以軍多懷舊惠館待於城中
 許軍懼見襲大將周岌乘衆疑怒因為亂逐能據城
 自稱留後數日殺能并屠其家能治政嚴察絕請謁
 耽癖於詩日賦一章為課性喜凌人格律且亦無

甚高論嘗以第十流自居空所按拂時劉得仁擅雅
稱持詩卷造能々以句謝云千首如一首卷初如卷
終蓋譏其無變體也量人如此非厚德君子晚節尚
浮屠奉法唯謹資於傲忽又多佻輕忤世及為藩鎮
每易武吏嘗命其子屬囊鞬雅拜新進士或問其故
曰渠消弭尖谷耳今有集十卷及繁城集一卷傳焉

李宣古

宣古字垂後禮陽人會昌三年盧肇榜進士又試中
宏辭工文極俊有詩名性詭浪多所譏謂時杜棕尚
主出守禮陽宣古在館下數倍賞賞謂慢既深棕不

能忍忿其戲已辱之使卧於泥中衣冠顛倒長林公
主素惜其才勸曰尚書獨不念諸郎學文待士如此
那得平陽之舉乎遣人扶起更以新服赴中使宣
古賦詩謝曰紅燈初上月輪高照見堂前萬朵桃
栗調清銀字管琵琶聲亮紫檀槽能歌姹女顏如玉
解飲蕭郎眼似刀爭奈夜深拖要令舞來接去使人
勞社公賞之後棕二子裔休儒休皆中第人曰非母
賢待師不足成其子今諸集中往往載其作有英氣
調頗清麗惜不多見竟薄命無印綬之譽落莫自終
數也
宣遠亦以詩鳴今傳者可

姚鵠

鵠字居雲會昌三年禮部尚書王起下進士多出入當時好士公卿席幕然束才文價俱不甚起一名僅尔流播亦多幸矣詩一卷今傳

項斯

斯字子遷江東人也會昌四年王起下第二人進士始命潤州丹徒縣尉卒於任所開成之際聲價籍甚特為張水部所知賞故其詩格頗與水部相類清妙奇絕鄭少師董贖詩云項斯逢水部誰道不關情斯性疎曠温飽非其本心初築草廬於朝陽峯前交結

淨者盤纏字宙戴薊花冠披鶴氅就松陰枕白石飲清泉長我細酌九如此三十餘年晚汗一名殊屈清致其警聒如病葺山藥偏貧起草堂低如客來因月宿床勢向山移下第云獨存過江馬強拂看花衣病僧云不言身後事猶坐病中禪又湖山萬疊翠門樹一行春又一燈愁裡夢九陌病中春如月明古寺客初到風度闌門僧未歸官人入道云將敲碧落新齋整却進昭陽舊賜筆之類不一而足當時盛稱揚敬之祭酒贈詩云幾度見君詩總好及觀標格過於詩平生不辭藏人善到颺逢人說項斯其名以此益彰

矣集一卷今行

馬戴

戴字履臣華州人會昌四年左僕射王起下進士與
項斯趙嘏同榜俱有盛名初應辟佐大同宣幕府與
賈嶋許棠唱答苦家貧為祿代耕歲廩殊薄然終日
吟事清虛自如秋思一絕曰萬木秋霖後孤山夕照
餘田因無歲許寒近憶稚漁調卒如此後遷國子博
士卒○載詩壯麗屈晚唐諸公之上優遊不迫沉著
痛快兩不相傷佳作也早耽幽趣既鄉里當名山秦
川一望黃埃赤日增起凌雲之操結茅堂上洗頭

盆下軒窓甚僻對懸瀑二十仞往還多隱人誰謂白
頭從宦俸不醫貧徒與猿鶴之誚不能無也有詩一
卷今傳

孟遲

遲字遲之平昌人會昌五年易重榜進士有詩名尤
工絕句風流嫵媚皆官商金石之聲情與顧非能甚
相得且同年有詩一卷行於世

任蕃 或作翻

蕃字昌間人家江東多遊會稽苦雪間初亦舉進士
之京不第榜罷進謁主司曰僕本寒鄉之人不遠萬

里手遮赤日步來長安取一第榮父母不得待即豈
不聞江東一任蕃家貧吟苦忍令其去如來日也敢
從此絳彈琴自娛學道自樂耳主司慚欲留不可得
歸江湖專尚聲調去遊天台巾子峯題寺壁間云絕
頂新秋生夜涼鶴翻松露滴衣裳前峯月照一江水
僧在翠微開竹房既去百餘里欲回改作半江水行
到題處他人已改矣後復有題詩者亡其姓名曰任
蕃題後無人繼寂寞空山二百年才名類是凡作必
使人改視易聽如洛陽道云幢々洛陽道塵下生春
草行者豈無家無人在家老雞鳴前結束去恐不

早百年路傍盡白日車中曉求富江海狹取賈山嶽
小二端立途奔走何由了想蕃風度此不足舉其
類槩有詩七十七首為一卷今傳非全文矣

顧非熊

非熊姑蘇人况之子也少俊悟一覽輒能成誦工吟
揚譽遠近性滑稽好辯頗雜笑言凌轢氣焰子弟既
犯衆怒擠排者紛然在舉場角藝卅年屈聲破人耳
會昌年五諫議大夫陳商放榜初上洽聞非熊詩價至
是怪其不第勅有司進所試文章追榜放令及第劉
得仁賀以詩曰愚為童稚時已解念君詩及得高科

早須逢聖主知授肝胎主簿不樂拜迎更厭鞭撻因
棄官歸隱王司馬建送詩云江城柳色海門烟欲到
茅山始下船知道君家當瀑布首蒲潭在草堂前
時餞別吟贈俱名流不知所終或傳住茅山十餘年
一旦遇異人相隨入深谷不復出矣有詩一卷今行
于世

曹鄴

鄴字鄴之桂林人累舉不第為四愁三怨五情詩雅
道甚古時為令人韋愨所知力薦於禮部侍郎裴休
大中四年張溫琪榜中第看榜日上主司詩云一辭

桂岩猿九泣都門月年々孟春至看花如看雪香園
冥間呈同年云岐路不在天十年行不至一旦公道
開青雲在平地又云念々出九衢童僕顏色異故衣
未及換尚有去年淚又云求持共齊心莫起胡越意
佳句類此甚多志特勤苦仕至洋州刺史有集一卷
今傳

鄭嵎

嵎字賓光大中五年李郃榜進士有集一卷名津陽
門詩津陽即華清宮之外闕詢求父老為詩百韵皆
紀明皇時事者也

劉駕

駕字司南大中六年禮部侍郎崔嶼下進士初與曹
鄴為交深相結俱工古風詩鄴既擢第不忽先歸待
長安中駕成名迺同歸范蠡故山時國家復河湟故
地有歸馬放牛之象駕獻樂府十章序曰駕生唐二
十八年獲見明天子以德歸河湟臣得與天下夫婦
復為太平人恨愚且賤不得拜舞上前作詩十篇雖
不足貢聲宇商形容盛德願與耕稼陶漁者歌江湖
田野間亦足自快詩奏上其悅累歷達官駕詩多比
興含畜體無定規意盡即止為時所宗今集一卷行

於世

方干

干字飛雄桐廬人幼有清才散拙無營務太中
進士不第隱居鏡中湖北有茅齋湖西有松嶋每風
清月明携褙子隣叟輕棹往返甚愜素心所住水木
幽閑一草一花俱能畱客家貧蓄古槩行吟醉卧以
自娛徐凝初有詩名一見干器之遂相師友因授格
律干有贈凝詩云把得新詩草裏論時謂反語為村
裏老疑干譏謂非也干貌陋兔缺性喜凌侮王大夫
廉問浙東禮邀干至誤三拜人號為方三拜王公嘉

其操將薦於朝託吳融草表行有旨王公以疾逝去
事不果成于早歲借許往來兩京公卿好事者爭延
納名竟不入手遂歸無復榮辱之念浙間凡有園林
名勝輒造主人留題幾遍初李頴學字為詩頴及第
詩僧清越賀云弟子已折桂先生猶灌園咸通末卒
門人相與論德謀謚曰玄英先生樂安孫郃等綴
其遺詩二百七十餘篇為十卷王贊論之曰鰥肌滌
骨冰瑩霞綺嘉肴自將不既餘雋麗不葩芬苦不穠
棘當其得志倏與神會詞若未至意已獨往郃亦論
曰其秀也仙菜於常花其鳴也靈龜於衆響觀其所

述論不過矣 古黔婁先生死曾參與門人來問
曰先生終何以謚妻曰以康參曰先生存時食不充
屬衣不蓋形死則手足不斂傍無酒肉生不羨死不
榮何樂而謚為康哉妻曰昔先生國君用為相辭不
受是有餘貴也君饋粟三十鍾辭不納是有餘富也
先生其天下之淡味安天下之卑位不戚々於貧賤
不惶々於富貴求仁得仁求義得義謚之以康不亦
宜乎方干韋布之士生稱高尚死謚玄英其梗槩大
節庶幾乎黔婁者耶

李頴

類字、德新睦州壽昌人、少秀悟、長廬西山、多記覽、於詩特工、與同里方干為師友、給事中姚合時、稱詩類、類不禪、走千里、巧其品第、合見大加獎挹、且愛其標格、即以女妻之、太中八年、顏標榜擢進士、調秘書郎、為南陵主簿、試判入等、遷武功、令類性耿介、難干以非理、暇饑民、戢豪右、於是京畿多賴、事乃可傳、懿宗嘉之、賜緋銀魚、擢侍御史、守法不阿、遷都、官負外郎、表乞建州刺史、至則布條教、以禮治、下時盜所在、衝突、惟建賴、類以安未幾、卒官下、櫬隨家歸、父老相與、技、極哀悼、葬、未樂州、為立廟於梨山、歲時祭祠、有留

診必禱、垂福、逮今、類詩雖出、晚年體制多與劉隨州相抗、騷嚴風謹、慘々逼人、有詩一卷、今行世

李群玉

群玉字、文山、濃州人也、清才曠逸、不樂仕進、專以吟詠自適、詩筆迥麗、文體半妍好、吹笙義翰、墨如王謙子弟、別有一種風流、親友強之赴舉、一上即止、裴相公休觀察、湖南厚禮、延致之、郡中嘗勉之曰、處士被褐、懷玉、浮雲富貴、名高而身不知、神寶寧久棄、荒途子其行矣、太中八年、以覃澤、臣來京、詣闕上表、自進詩三百篇、休適入相、復論薦、上悅之、授弘文館校

書郎李頰使君呼為從兄歸湘中題詩二妃庶是暮
宿山舍夢見一女子來曰兒娥皇女英也承君佳句
微珮將遊於汗漫願相從也俄而影滅群玉自是鬱
々歲餘而卒段成式為詩哭曰曾話黃陵事今為白
日催老無男女累誰哭到泉臺今有詩三卷後集五
卷行世 夫濃浦古騷人之國屈平仕遭譖毀不知
所訴心煩意亂賦為離騷々愁也已矣哉國無人知
我兮又何懷乎故都委身魚腸魂招兮不來芳草萎
荼蕭艾參天奚獨一時而然也群主繼稟脩能翱翔
太化人不知而不恤祿不及而不言望滄陽之亡極

挹杜蘭之緒馨歎君門以披懷霑一命而潛退風景
滿目寧無愧於古人故其格調清越而多登山臨水
懷人送歸之製如遠客坐長夜雨聲孤寺秋請量東
海水看取淺深愁等句已曲盡羈旅坎填之情壯心
千里於方寸不擾亦大難矣

唐才子傳卷第七

東下平

十里飲古寺不

飲水香涼

對人

截自

非扶

